

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مسکمره موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.

استانبول ایچون سنه لکی مطبعه دن
آلتی شرطیه ۴۰، طفره لره پوسته
اجرتیه برابر ۶۰ غروشدن.

نسخه سی ۱ غروش

نسخه سی ۱ غروش

پنجشنبه کونلری نشر اولنور ادبی، فنی و صناعی غزله در

سماعه نوازی بیدار ایده میه جکدر . .
سنگ سسک بیله !

بن فنا بولدیم کون قبرمک اوزرنده
برکوک قوش بکا تلقین حقیقت ایدر .

مزارم اوزرینه برقاچ قطره کوزیاشی
دوکه جک کیسم یوق ؛ بولو طردن دوشن
یاشلر خاک سیاهمی تربیب ایدر . بهار عودت
ایدنجه طوبراق بیغنتیسندن تشکل ایدن
صندوقه قبرم برستره حضرا ایله تیزن ایدر .
کیجه نک درین ظلمتی ایچنده پارلایان برمتفکر
لمعه جقده آشیان حسرت می تنویر ایلر !

سیرت

— — — — —

شو کوزل دختر سحر پیکر
نودمیده شکوفدن تردر ؛
یاورو برقوش قدرده دلبردره
کلر آچش جمال رخشانی ؛
هر کورن مطلقا محبت ایدر ،
ایلر انسانه بخش حیرانی ؛
او قدر جامع لطافتدر ؛
صانکه بر غنچه صبا حنجره ؛
قیز دکل ، بر پری عصمتدر ؛
کوکده کی زهره دن منوردر ؛

§

کوستبر هر دقیقه باشقه صفا ؛
بیک لطافتله نظره بیرادر ،

کائناتی درین بر ظلمت استیلا ایتش ،
چیچکلرک فحشات ملکانه سی طبیعتک سکونت
مضطربانه سنی اخلاص ایدیوردی . دوشوندم .

سن بو یرلرده برقاچ کیجه مقدم بنمله
همنشین ایدک . بدایع بهارک بر یادکار
حزینی اولان ازهار خزان رسیدیه لاقیدانه
بر نظر ایله باقوب کچن بیوفا کلبکلر کی نهایت
بنی ترک ایدوب کیتدک . شیمیدی جامه خواب
حریر کده هر کس کی سن ده خواب آلود
صفا سک . زیرا حقیقه تخیلاتکده آچیلان
شکوفه سودا صاراروب صولغه باشلادی .

بروقتلر اخترلری ، قوشلری ، چاغلیانلری
اشهاد ایدره ک میل قابی ملکانه کی انبساطه
چابالاردک . او کوزل کوزلرکده شکوفه
جمال کی ژاله سودا ایله تیزین ایتدکجه :
« بونلر هویت محبته دلیل دکلکی ؟ » دیردک !
هیات ! .. هوسا ک کواکب سحرینک
شعاعات نکه فروزی کی سوندی . « سنی
سویورم ! » زمزمه دلنوازی بلبللرک نغمات
محرقانه لری کی ایشیدلر اولدی .

عشقکده چاغلیانلر کی سکونت بولدی .
آرتق مهجور محبت اولان کوکلمک
استراحت ایتسین . بن ده برجام آغاجک
سایه اغبراری آلتنده الی الابد او یویه جغم .
بنی بو خواب کران ایدیدن نه قوشلرک سرور
انکیز جویلتیلری ، نه جویبارک حیات بخشا
شارلیدیسی ؛ والحاصل طبیعتک هیچ بر آهنگ



نوزمین وغایت حزن بر تاریخ وفاتدرکه بر طرفدن
المزه یکمکه درج ایدیورز . پاک رقیق بر طبیعتک
محصول شاعریتی اولدینی کوریلور . فقط هانکی
خامه ذی قدرتک اثر معرفتی اولدینی مع التأسف
اوکره نه مدک :

دها جهانی بیله دن جنانه کیتدی بر ملک ؛
دها بهاری سومه دن خزانه ایردی بر چیچک !
حیاتی اوچدی خالقه ، وجودی قالدی خاکده ؛
اون اوچ یاشنده بر چو جوق یا نار شوخاک پاکده .

شبابتک لطافتی تراب ایچنده جلوه کر ،
شوقبره حزن ایله بتون ملککلر ایلور نظر .
یازیق ! یازیق ! بویاور و جوق لطیف برضیا ایدی ؛
طراوت بهار ایدی ، سحرده کی صفا ایدی ؛
آلوده مادرین اجل کیدنجه یار صادقی ،
صفای عشقی بیله دن ممتک اولدی عاشقی !
کولردی وجه عصمتی حیاتی ایتسه ده بکا ؛
فقط نینه قوجاغنی آراردی چشمی دائما .

جنانه ایلدی سفر نهایت ایردی قویننه ،
قاوشدی مادره بوکون (. . .) کیردی قویننه !